



Kamis, 05 Oktober 2023
Ogen: Amos 9:11-15



Kupekena Mulihi



Payo tuhu, Dibata e perkuah, Dibata la ndekah merawa, nggit ngalemi salah. Kenca cidahkenNa rawana, isehkenna ukumen man bangsa si jahat ras mekeng e, icidahkenNa kekelengenNa. IpesikapNa bangsa si jahat ndai. IpekenaNa si enggo icedakenNa ndai. Bage me Amos nuriken kai si ate Dibata ilakokenNa i tengah-tengah bangsa e. Reh me warina:

- IsehkenNa padanNa man Daud ras kesusurena maka kerajan Daud me si ipajekken mulihi. Desken rumah si runtuh: tembokna pehuli, ipekena, ipajekken mulihi. Ibahan bagi si nai,
- Tanehna mehumur seh maka gandum pedas turah, ban simparna lanai ngasup kalak mperanisa. Buah anggur pedas tasak e maka iperani, lebih asa ngasup kalak merehsa,
- Anggur sarintangtangen dengen maleren iuruk-uruk nari Bangsa enda mulih dengen manteki kutana dengen iianina. Janah inanamina ulih latihna erdahin. Desken gambaren sinuan-sinuan maka bangsa e ipeturah Dibata i bas negerina dengen ngayak ndigan pe lanai iruah. Ngataken maka bage me ipasu-pasu Dibata bangsaNa i taneh si enggo ipadanken Dibata.

Teptep kalak banci pernah ngenanami kegagalan, persoalan ekonomi, reh pinakit, la siangkan i bas jabu. Enda kinata geluh si la pernah banci isilahken manusia. Arus megenggeng, erlajar, erjuang gelah banci persoalan geluh e terdungi. Inget, Dibata la pernah lupa man banta, i bas waktuNa, isampatiNa kalak si erlebuh baNa. Geluhta ipulihkan mulihi lebih bagi si enggona. IkuhiNa alu keleng ateNa, icidahkenNa kuasaNa ngubahkan kegeluhen manusia, isampatiNa ndalani kegeluhen. Berelah dirinta guna ipekena Dibata alu mehuli.